

Mien leeve ohle Veddell !

Hello, ji ohln Veddellers,
Heurt mi mohl'n Oogenblick to
Ick heff so'n grootn, stilln Wunsch
Un gläuw, Ji hebbt em ebenso.

Ick m u c h :
Mohl wedder de ohle Veddell sehn,
De Niedernfelder-, Peut-un Tunnelstroot,
Von'n Peerbohnstall bit Märktenohl,
Von'n Witwenhaus bit Ruderclub "Pilot!"

Öbern Sieldiek much ick wedder gohn
No de ohle Elfbrück rop,
Den Schipper von'n Bobnlännerkohn
Vergneugt speen op'n Kopp.

De Bodenstait un Veddelerheuft
Much ick nochmohl beseukn
Un bi de "Vereinigten" op Scheep
Un -n den Strand rumspeukn.

In Seilschipp- und in Henshoen,
Von Riesenkröhn bit Niedernfeld,
Dor giff det veel to kieken
Op de Scheep ut de ganze Welt.

De witten, gehln, braun und zwetten
Seelüd heurst dor missingsch sneckn
Un bobn in de hoogn Toppen
Weiht all de bunten Flüggen.

A s Buttsche en de Kei rumstreumern
Mit helln Kopp un open Sinn'n
Wat von de Seefohrt dor erleben
Wat giff det dor nich allns to finn'n :

Johannisbrood, Tobak und Krinthn,
Kaffee, Seutholt und Rosin'n,
Mene, Kokosnööt un Detteln,
Banon'n , Fieg'n, Appelsien'n.

Un denn wat dorch'n Toll dorchsmuggeln,
Un wedder feuhn det Hartgetucker,
Det bruukt ok gornich veel to sien,
Bloß'n Blüxente sch vull gehln Zucker.

Ok much ick mohl no Georgswerder
Ton'n Beern- un oock Appelkleun,
Villicht in'n groote Horde Jungs
Uns mit de Zeegenbecker heun.

Dröben, Öbern Märktenohl,
Jetzt steht dor jo Fabrikn,
Much es Indsche oder Trepper ick
Mi dorch det hooge Reeth langsliekn.

Eenmol noch bi August Schwoff
 Tokiekn opn Denzselong,
 Elvire sehn, de mit'n Kopp no ünn
 Bummel en ehren Luftbellong.

Scheun wör ook ne Elfregatte,
 As Start un Ziel : de Peut,
 Ook en een grootes Turnerfest
 Herr ick mi bennig freut.

Bin nächsten Wunsch heff ick Bedenk'n,
 Wenn dat nochmohl passiert,
 Det nämlich de "Soßundsöb'nziger"
 Durch de Brückenstroot marschieret.

Gewis, wi Jungs weurn domohls stolz,
 As dat Regiment keum en,
 Een echtn Veddeler, Willy Schoop,
 Weur rechter Flügelmann.

Wi leup'n bit no Horborg mit,
 Det mook uns wieder nix,
 Ober - n, ennern Morgen geeft
 inne School wat vor de Büx !

Dor much ick denn doch leeber
 Nochmohl en'n Kentsteen stohn,
 Mit veele ennere Veddelers
 Winkn de nee'e Strootenbohn.

De lange "Dreeunddortig"
 Bunt mit Girlanden un Kränz,
 De feuhrt jetzt bis Horborg henn,
 No Preußen - öber de Landesgrenz.

Ick much togeern mohl wedder
 In'n Joll oder op'n poor Bohln
 Op'n Priel bi Peetzel schippern
 Un nette Feut mi hohln.

Oder ook en'n Winterdag
 Wedder jippsen op de Schulln,
 Bin freuer doch so manches mohl
 Dorbi in't Wooter fulln.

Bi Sünnchien mit'n Trudelband
 Um all de Hüüser loopn,
 Un denn - w enn ick se heff -
 For twee Penn Bontjes snoopn.

Denk ick en de lüttn Hüüser
 Wilhelmsborger-, Glomennstroot,
 Denn much villicht ick wünschen,
 Det se dor hüt noch stoht.

Doch eenerlei : De nee'e School
 Un Sportplatz sünd doch scheuner
 As dat romantische Idyll
 Mit Hunn, Kett'n, Kninkn, Heuner.

Dor rechter bi de Meeknschoöl,
 De Weg heet "Zeegenallee",
 Much de Deerns ick wedder klütern
 Mit sien'n witt'n Snee .

Un ook de "Veddeler Kinnergorn"
 Droff hier bestimmt nich fehl'n,
 Det meuk mi immer Riesenspoß
 In de Sandkist door to speel'n.

Mi fellt jetzt noch wat in
 Det geheurt hier ook mit henn,
 Der groote Kinnervergneugn
 for ganze foftein Penn'n.

In Ohlmeier sien groot'n
 Un scheun'n "Veddeler Hoff"
 Will gau mohl Mudder frogn,
 Off ick dor ook hendroff.

Wenn en de ohle School ick denk,
 An't "Veddeler Kulturzentrum",
 Denn steiht ut de Vergängnis op
 Ok dat Lehrerkollegium.

Madsen, Hüttmann, Suhrborg, Lüth,
 Stange, Bolze, Mumm un Mieth,
 Holbeck, Mertens un ick weet,
 Det de Schooldeener "Kuno" heet.

De Rekters un de Lehrers,
 Se hebbt veel Meuh sich geben
 Mit dat Beste wat se he,rrn,
 Uns "fit" to mookn for dat Lebn.

Bloß wenige von all de Jungs
 Herrn dofor dat Verständnis,
 Bi de meisten keum erst veel to spät
 De neudige Erkenntnis ,

Wi hebbt uns manchmohl wünscht,
 Det de griese Kästn brenn,
 Denn bruuktn wi, dat weur doch scheun,
 Den ennern Dag nich henn.

Ick seh de groote Horde Jungs
 Ehr Nomens und Gesichtn,
 Dorto, wie kunn de t enners sien,
 Ok all de Dummejungsgeschichtn.

Wi weur uns Insel domohls scheun,
 De beste Speelplatz von de Welt !
 Wi Ohln sind hüt noch immer stolz,
 Wenn wi dorvon vertellt!

Rund fofstig Jahr liggt dat torüch,
 De ohle Veddel is nich mehr,
 Och , wenn ick doch noch eenmohl bloß
 N' Veddeler Schooljung wär.